

Llenyddiaeth Cymru yn chwilio am Aelodau newydd i'r Panel Ysgoloriaethau

Mae Llenyddiaeth Cymru yn chwilio am 3 Aelod Panel newydd i ymuno â'r Panel Ysgoloriaethau i asesu ceisiadau Ysgoloriaethau a Chynllun Mentora Llenyddiaeth Cymru a dyfarnu nawdd. Mae Ysgoloriaethau Awduron a'r Cynllun Mentora yn weithgareddau craidd yn rhaglen Datblygu Awduron Llenyddiaeth Cymru; maent yn galluogi egin awduron i achub ar gyfleoedd i fireinio a datblygu sgiliau llenyddol, a datblygu eu potensial creadigol a phroffesiynol. Rydym yn chwilio am bobl sy'n awyddus i gyfrannu at ddatblygu potensial creadigol a phroffesiynol egin awduron yng Nghymru.

Cefnogir Ysgoloriaethau i Awduron a Chynllun Mentora Llenyddiaeth Cymru gan y Loteri Genedlaethol trwy Gyngor Celfyddydau Cymru.

Ynglŷn a'r rôl

Aelodau Panel - Nodweddion angenrheidiol

- Trosolwg o'r byd llenyddol yng Nghymru
- Gwybodaeth o'r diwydiant cyhoeddi / ysgrifennu creadigol yng Nghymru – gweler y genres isod
- Arbenigedd mewn ysgrifennu creadigol cyfoes Saesneg yng Nghymru
A/NEU
- Arbenigedd mewn ysgrifennu creadigol cyfoes Cymraeg
- Y gallu i a phrofiad o ddarllen nifer fawr o deipysgrifau ac ysgrifennu adroddiadau
- Ymagwedd broffesiynol
- Y gallu i ddyfarnu'n feirniadol

Gwybodaeth / Arbenigedd yn o leiaf dau o'r genres isod:

- Barddoniaeth
- Rhyddiaith
- Llenyddiaeth ffeithiol greadigol
- Beirniadaeth lenyddol
- Llenyddiaeth plant
- Ffuglen ar gyfer oedolion ifainc
- Nofelau graffeg

Prif Ddyletswyddau Aelodau'r Panel Ysgoloriaethau

- Asesu ac adrodd ar geisiadau blynyddol ar gyfer Ysgoloriaethau i Awduron a'r Cynllun Mentora.
- Mynychu cyfarfod blynyddol y Panel Ysgoloriaethau. Cynhelir y cyfarfod fis Tachwedd yng Nghaerdydd fel arfer.

Caiff aelodau Panel eu hapwyntio am dymor o dair blynedd i gychwyn; gellir ymestyn y cyfnod am uchafswm o un tymor pellach. Telir ffi o £550 yn flynyddol am y gwaith hwn, yn ogystal â chyfraniad at gostau teithio mynychu'r cyfarfod Panel blynyddol.

Gellir islwytho taflen wybodaeth â rhagor o fanylion o [wefan](#) Llenyddiaeth Cymru.

Rydym yn chwilio ar hyn o bryd am unigolion ac arbenigedd penodol yn y meysydd canlynol: Barddoniaeth Gymraeg; llenyddiaeth plant ac oedolion ifainc (Cymraeg a Saesneg); ffuglen a barddoniaeth Saesneg. Rydym yn ymrwymedig i groesawu ymgeiswyr o ystod eang o gefndiroedd, sydd yn cynnwys asesu ceisiadau yn rhannol ar sail potensial.

Am ragor o wybodaeth ynglŷn â Ysgoloriaethau i Awduron cliciwch [yma](#). Am ragor o wybodaeth ynglŷn â'r Cynllun Mentora, cliciwch [yma](#).

Mae [Cynllun Strategol Llenyddiaeth Cymru 2019-22](#) ar gael [yma](#). Rydym yn argymhell eich bod yn darllen y Cynllun Strategol cyn anfon eich cais, gan gyfeirio at strategaeth Datblygu Awduron.

Sut i gyflwyno eich cais

Er mwyn ymgeisio am y rôl hon, a wnewch chi anfon:

1. Llythyr cais (dim mwy na 2 dudalen o hyd), yn esbonio paham yr hoffech gael eich ystyried ar gyfer y rôl.
2. Eich CV, yn nodi profiad perthnasol, ynghyd â manylion 2 ganolwr a allai ddarparu geirda.
3. Ffurflen Monitro Cydraddoldeb ac Amrywiaeth wedi'i chwblhau.

A wnewch chi ebostio eich cais at: post@llynyddiaethcymru.org neu anfon drwy'r post at: Llenyddiaeth Cymru, Prif Weithredwr, Lleucu Siencyn, Canolfan Glyn Jones, Canolfan Mileniwm Cymru, Plas Bute, Caerdydd CF10 5AL

Dyddiad cau ar gyfer derbyn ceisiadau:
12.00 canol dydd, Dydd Gwener 5 Gorffennaf 2019

Beth sy'n digwydd nesaf?

Mae'n bosib byddwn am drefnu sgysiau anffurfiol gydag ymgeiswyr ar y rhestr fer, er mwyn trafod y cais yn fanwl. Yn yr achosion hyn, bydd y sgysiau'n digwydd yn ystod **yr wythnos sy'n dechrau 8 Gorffennaf**. Disgwylir i Aelodau newydd y Panel gychwyn yn y rôl o 1 Medi 2019.

Am ragor o wybodaeth, cysylltwch â Llenyddiaeth Cymru:
029 2047 2266 / post@llynyddiaethcymru.org / www.llynyddiaethcymru.org

Llenyddiaeth Cymru yw'r cwmni cenedlaethol gyda chyfrifoldeb dros ddatblygu llenyddiaeth. Ein gweledigaeth yw Cymru sydd yn grymuso, yn gwella ac yn cyfoethogi bywydau drwy lenyddiaeth.

Mae Llenyddiaeth Cymru yn elusen gofrestrdig ac yn gweithio gyda chefnogaeth Cyngor Celfyddydau Cymru a Llywodraeth Cymru. Am ragor o wybodaeth ewch i www.llenyddiaethcymru.org

